

Marigi Yesu Bari Loxona Fe






Taruxuni ito kelixi Alaa Kitabun nan kui






© GRN



Dununa fɔlɔni, Ala yi seen birin daxi a falan nan xɔn ma.
A falan tixi, a yamarin tixi, seen bata mini.



Hali seen birin fanxi, adamadiin yi murute Ala ma.
Na kui, e yi tɔrɔya sifa wuyaxi sɔtɔ.
Koni, adamadiine yi rafan Ala ma.
Nanara, Ala yi fena nde ragidi alogo e xa kisi.




Xabu N Benba Adama nun Nmahawa waxatini, han waxati xunkuye, Ala yi fena nde yitɔnma. Muxu wuyaxi yi na feen kui, alo Nabi Nuhan, Iburahima, Isiyaga nun Yaxuba, Manga Dawuda e nun bonne, e birin yi na fe yitɔnxin kui.



Awa, waxatin bata a li. Alaa kisi fena xa kamali. Alaa falana, naxan bata dununa da, na xa findi muxun na.

Na ligaxi di? Alaa falan yi findi fati benden na, a yi lu en ye. Na taruxun ni ito ra.

A faxi nən, a xa fa Alaa xanutenyaan yita en na, a yi en kisi.



© GRN

Bɔxɔna nde naxan makuya be ra,
sungutunna nde yi na naxan yi xili
Mariyama.

A yi masuxi Yusufu yi, koni a munma
yi siga na xemen konni singen.




Ləxčna nde, malekan yi mini kənənni Mariyama xa.

A naxa, “Sewani i xa. Marigina i xɔn.” Mariyama naxa, “Oo?”

Malekan naxa, “Ala bata maragidi fanin fi i ma. I fudikanma nən, i dii xəmen sctɔ, i yi a xili sa Yesu. A xili bama nən a Kore Xɔnna Alaa Dii Xəməna.”

Mariyama yi a yabi, a naxa, “Na ligama di? N munma dɔxɔ xəmə taa ra singen.”

Malekan naxa, “Ala sənbən nan godoma i xun ma, na nan ito ligama.”



Pastoral Centre, Makeni

Mariyama yi a yabi, a naxa, “Alaa sago. N na a birin ligama nən.”

Na waxatin yeteni, Alaa falan yi so Mariyama a fatini, a findi diin na.

Yusufu to a kolon Mariyama bata fudikan,
na yi Yusufu tɔrɔ bayo Mariyama munma
dɔxɔ a xɔn ma singen.

A yi wama na futun kala feni. A mi yi laxi
Mariyama a falan na lan malekan a fe ma.


Kɔena nde ra, Yusufu yi xima waxatin naxan
yi, malekan yi mini a xa xiyeñi. A yi a fala
Yusufu xa, a naxa, “Ee, i xa i ya jaxanla
Mariyama futu. I nama gaxu, bayo a diin
naxan barima, yati, na fataxi Alaa Nii
Sarijanxin nan na. I xa a xili sa, Yesu,
amasɔtɔ a tan nan a yamaan nakisima e
yulubine ma.”



Yusufu to xulun, a yi Mariyama futu.
Koni, e mi e bode lixi han na diin yi bari.

Na waxatini, Manga Gbeen yi yamarin fi,
a muxune birin xinla xa sebe.

Yusufu yi siga Betelemi taani, Manga
Dawuda sotchi denaxan yi. A sigaxi
na yi, e nun Mariyama, e xili sebedeni,
bayo Yusufu findixi Manga Dawuda
bcnscnna ra.



© Bible Visuals International



© GRN

Mariyama fudi kanna nan yi a ra. A yi taganxi. E to Béthéléem taan li, yigiyaden yo mi scto, fo e xa lu kulani.

Mariyama yi dii xeme singen bari na yi. A yi a mafilin dugini, a yi a sa xuruseene balon sa seen kui kulani.



Na kœen yetena, yexee kantanna ndee yi na burunna ra.

Marigma malekan yi mini kenenni e xa. Marigma noron yi godo e xun ma.
E gaxu kat!

Malekan yi a fala e xa, a naxa, “E nama gaxu. N faxi Xibaru Fanin nalideni.
Marakisi Tiin bata scto e xa to kœen na. Alaa Muxu Sugandixin na a ra.
Margin na a ra. A saxi xuruseene balon sa seen kui kulani, a mafilinx
dugini.” Na xanbi, maleka ganla yi keli kore, e yi Ala tantun.



Үөхөө kantanne yi a fala e bode xa, e naxa, “En siga diin mato deni.”

E yi siga han kulani, diin saxi yiren naxan yi.

E yi na diin to alo malekana a falaxi kii naxan yi.


A mafilinxi dugini, a saxi xuruseene balon sa seen kui kulani.

Үөхөө kantanne yi sewa kati. E yi Ala tantun.



Dii futen to xi solomasexε ti, Yusufu nun Mariyama yi a xili sa, Yesu, alo malekan bata a fala e xa kiin de. Na xinla bunna nən “Ala kisin fima.” Yesu findima nən Marakisi Tiin na.

Ala mɔn a xilima a Emanuweli, naxan bunna nεen, “Ala en tagi.”



Na xanbi ra, Yesu sotɔ muxune
yi siga Yesu ra a taxudeni Ala
ra Ala Batu Banxini.

A to yi mənni, xəmə fonna nde
yi na yi naxan xili Simeyɔn.
Na yi dii futen tongo, a
barikan bira Ala xa.

A naxa, “Diini ito muxu wuyaxi
kisima nən. A findima nən
kənənna ra siyane xa.”



© GRN

Naxalan fori gbeen fan yi na yi naxan xili Anna. Anna findixi nabin na.
Na fan yi barikan bira Ala xa lan na dii futen ma.



© Bible Visuals International

Na waxatini, fekolonne yi na yi bɔxɔn makuyena nde yi, naxanye sarene fe xaranna tixi.

Ala yi sarena nde yita ne ra bunna saren naxan ma fe ra. Na bunna nεen, mangana nde bata bari Iburahima a yamanani. Fekolonne yi a famu diini ito findixi muxu sugandixin nan na, e nun mangan na.


E yi siga sigatini han Yudaya yamanani, diin barixi yiren naxan yi.

E to Yudaya li, e yi muxune maxodin, e naxa, “Diidin naxan barixi mangan na, na minen yi? Nxu bata a taxamaseri sarento. Nxu bata fa nxu xa fa a batu.”

Muxun yi e rakolon, fa fala, Alaa Muxu Sugandixin barima Beteleemi taan nin, lan nabina fala sebexin ma.

(Na sebexi Nabi Mike 5.1)

Fekolonne to na me, e yi siga han Beteleemi taani. E yi na sarento alo a foloni. Na yi lu e yee ra han a sa ti diidin yiren xun ma. E to na sarento, e yi sewa han.





© GRN

E to so banxini, e yi diidin nun a nga Mariyama to. E yi e xinbi sin diin bun ma, e yi a batu. E yi e sanba seene ramini, e yi e fi diidin ma. Sanba fani fapin nan ne ra.

Yesu yi xungbo. A yi lu a nga nun a fafe fema e nun a xunene. A yi fala tiin nun siga tiin maxaran. A yi xaranna ti folo, a sebenla ti folo. A yi wali folo a yiine ra. A yi Alaa falan xaran. A yi a maxaran xurun ma a fafe nun a nga xa.



© GRN

Yesu to yelin xungbe, a yi rafu igeni, naxan a mayita fa fala a biraxi Ala nan fɔxɔ ra.



Yesu mi fefe ligaxi naxan naxu. A mi haken hanma yulubin yo ligaxi. A mi muxu yo konbi. A mi muxu yo bɔnbɔn. A mi xurutareyaan ligaxi a kon kaane ra. A mi wulen fala, a mi munan ti. A mi findi muxu fasaxi ra.

Koni hali na, a rafuxi igeni alogo a xa yita fa fala a Ala xanuxi, a waxi tinxinyaan naliga fe yi.



© GRN

Yesu rafu xanbini igeni, a yi Alaa falan xaran muxune xa. A yi muxune rakendeya. Na xanbi ra, a faxa, a mɔn yi keli sayani alogo a xa muxune rakisi e haken nun yulubine ma. Koni, en na ndee xaranma nen ito fari waxati gbete.



Publié par la Mission Protestante MCA

Les images sont de Gospel Recordings (GRN ©)

Bible Visuals International ©

Et de Pastoral Centre, Makeni Sierra Leone 1995 ©

Crée en Guinée 2020

Cette édition: décembre 2023